

小重山房初彙一



10176

小 厚

重 初

山 彙



序

丙戌丁亥冬春間與詩船晤聚都門約百詩日時詩船方選錄所著駢散二體文為篋餘集二卷索余序之別四年庚間詩船奉

命典試閩中遍覽山陰永嘉以南山水之勝旋又扈從

陪都眺澄海樓陟醫巫間胸次日益展拓詩境亦日益奇然詩船方由薇省擢農曹仍充軍機章京官事亦日益繁劇何其不相妨也庚寅歲暮余復來京師詩船已自定初集凡古今體詩十六卷賦二卷詞三卷試帖一卷益以前所刻篋餘集都二十四卷再以弁首之文為屬詩船之意豈不以平生知已富陽相公而外姬傳穀人蓉裳淵如賓谷諸先生皆先後物故其存者或遠宦數千里外如繼輅四年中一再相見

小重山房初彙序

為不可多得而欲得其一言以為別後相思之緒耶詩船之詩五言上宗康樂格律最為謹嚴歌行出入四傑長慶杜韓高岑溫李張王因題而為之往復盡意而後止焉近體兼總中晚亦未嘗無館閣酬應之作要亦不失為西崑酬倡今者詩船以京察上考蒙

上記名行出為監司鹽漕刑法諸大政百責萃身擔荷尤重即從此不為詩亦足以卓然表見於後世然吾知詩船之詩方將鎔康樂四傑長慶韓杜高岑溫李張王以至楊大年輩於一鑪使人欲指為誰何而反不可得何以信之則信之於今日入叅喉舌之司外領衡鑑之任而詩之進而愈上乃如此此其性之所近與夫情之所生如雲之油油水之迢迢而豈於建樹或有所妨俾俗吏之埋頭簿書者至引以為戒耶



余與詩舫論交在紀羣之間語無所飾輒因其徵文爲論詩舫之詩之所得力而益推原詩舫他日之詩庶幾其有當乎否乎抑吾嘗聞詩舫方困禮部試而董太傅以所蓄鸞池硯爲贈蓋此硯從公樞直四十年矣已而詩舫果奉軍機行走之

命自古名公鉅卿閩人旣多如文潞富鄭諸公言人禍福輒奇中此誠非草野之所能及而文辭進退之境則涉獵亦旣有年譽之不中其情吾知免夫請以質世之讀詩舫詩者陽湖陸繼輅識

小重山房初稟

序

二

小重山房初稟

華亭 張祥河 元卿

詩一

三齋中讀書

金颺薦清爽庭樹鬖瀟碧秋痕不上衣鑪篆半縈席束髮跼
所好賞心貴得益膺昔四癡銷手此一卷癖文章當絲竹林
整儼施爐微聞踏葉響定有高人屐

桃竹杖為盛文百室賦

籀龍衙衙挺波出紫皮蝕苔色斲栗凡竹虛中此獨實蜀江
蟠石春濺濤類竹非竹桃非桃孤枝不華七尺高天成拄杖
靈壽比須防變化逞奇詭道出蠶叢一萬里詩翁得之信步
行朝來叩扉拱揖迎曳履過橋鏗有聲幸遇詩翁倍珍賞閉
門高節適偃仰請飾鳩形刻之杖

小重山房初稟

詩一

步虛詞

瓔房珠闕圍碧城金門羽客吹瓊笙彩雲高飛拓杳眇鸞鳳
律自諧雙成天上吹笙按仙指人間曲譜青藤紙道士出戴
熊鬚冠風搖鶴扇袍袖寒袖中藏得元都印手鍊金精作山
鎮黃芽丹粒年復年百歲童顏黑兩鬢明真臺前柰樹香靈
柯震徹音琅琅步虛唱罷昇雲去碧落龍符拜侍郎

機山懷古

前修契山靈高詞映蘭翠言尋平原村動我臨風思英華馳
妙年巖廊蘊才器懷哉入洛初允矣平吳利二俊譽豈誇三
世將所忌輕身委王穎禍胎伏盧志奚待鹿苑軍猝受貉奴
刺鶴唳何不聞家書渺難致使保桂壑芳彌寫蕤蕤意夜光

濁千古嘉名寵一簣臺荒夕照移人去林花醉陟巘望崑山
婉變尙含媚

漢昆明池教水戰歌

長安西南四十里千隊旌旗齊照水殺氣俄驚地軸翻威稜
直搗鮫宮裏武皇耀武事窮邊使節期從身毒旋象厭昆明
除閉障刑徒滅戍將池穿穿就滇池傳急箭水師教習池中
戰揮霍霜鋒蛟鱷移掀騰鐵甲魚龍變中軍鼙鼓但聞聲出
沒烽煙破浪行無數舳艫圍碣石爭先組練下蓬瀛日光慘
澹長虹展鯨擊三千萬牛喘軍令剛從水面馳陣圖營到波
心轉期門列又夾龍舟鳳蓋飄搖最上頭五利文成齊寓目
游童權女暫停謳魚麗鵝鸛分輕矯霧散雲還捷于鳥拔幟
千重起漢營鳴金一昔澄靈沼英風銷歇夕陽催終古鯨魚
冷劫灰剩有牽牛池畔石當年曾見水嬉來

小重山房初臺

詩

二

春申君廟

靈風吹客袂入廟拜春申鑿險分天塹通湖到海滄馨香宜
奕禩利澤及斯民驚冕觀瞻肅龍門紀載真忠魂長戀楚奇
討首防秦馬角思鄉夢刀環間道身台從鷹犬集制敵虎狼
馴鳧釋歸園籍蘭陵領薦紳艱危扶考烈義憤接靈均十二
城還主三千履納賓瘡痕看漸復氣象慶重新志定營吳邑
謀全徙壽春四君名伯仲甘載相勞辛故國長江外叢祠別
浦濱枌榆高下蔭簫鼓送迎神飲水懷明德相期薦白蘋

宋梁楷說劍圖

快哉莊子說劍篇文矩妙繪同流傳宋有梁生復第一別寫
五劍揮雲煙越王上坐薛燭侍戟帶相次森旌旗掌者進劍

踈脫室意態一一何翩躚
蒯緱具備裝飾蠶絲鳥篆紛迴
旋當時論劍造微妙毫曹巨闕
拚棄捐純鈎一躍光萬丈目
眩心動爲流連下階簡衣手
振拂風吹寶鏐開青蓮倏如秋
水瀉銀漢又若長虹亘遠天
謂此鑄自歐冶子力補造化心
精專若耶之銅赤堇錫捧鑪裝
炭驅神仙大刑三兮小刑二
連城易壁徒菱菱劍氣談鋒筆
端出奇情快事誰能宣梁生
作畫多減筆此圖妙到秋毫顛
舉似南唐合兩美安得神物
如龍泉嗚呼安得神物如龍泉

烏棲曲

長安城頭月如水銀蟾照見深
閨裏深深閨拜月有佳人覆地
羅裙不起身

郎征塞北何時還妾心睇極大
刀環空房小膽怯日暮棲烏

小重山房初臺

詩一

三

噪急白楊樹

白楊颯颯淩迴颺焦桐隻彈彌自
悲卷簾起立復下簾雙袖
悄寒籠指尖

挑鐙花墮釵頭鳳更闌蜨枕續香
夢雞聲喔喔來東廂銀床
冰簟苦宵長

蜀鏡詞

美人已去鏡獨留菱花一鑑橫
清秋當年乾德銘恩賜淚漬
河山愁復愁秦州表請君王幸
三月鶉啼春夢冷寫翠傳紅
靨倚妝綺胸繡繡幌雙涵影西
來烽火連朝起醉舞悲歌卿已
矣鸞鳳生離玉匣閒狐狸夜哭
荒臺裏榛煙銷歇幾多年篆
書卅二存雕鐫銅腥拂拭古時
月花發紅梳照黯然

清明柳枝詞

琉璃管聲過又玉簫杏花村裏
鼓魂消柔枝難禁絲絲雨半壓
紅闌半畫橋

看花已過百花朝春事經年
慣寂寥芳草池塘何處好落紅
猶未罨長條

一段春痕澹欲無添搦妃子
十眉圖更留青眼似相識送客
頻經明月湖

輕寒輕暖可憐春軟繡街前
瑟瑟塵幾樹垂楊無賴甚亂拖
金縷惹人

杜宇聲中放野棠雪漫風軟
兩輕狂飛來蝴蝶不知數蘇小
門前紅夕陽

攀條總讓手纖纖袖映鶯黃
態倍添最是一春佳勝處紅泥
亭子裏芭簾

小重山房初稟

詩

四

蠶豆

種豆繇來得豆宜養蠶天氣
雨晴時土膏乍綻千丸玉火候
看然徑寸莫小點吳鹽成雋味
聊供村醞解調飢玲瓏莫向
瑛盤映牽引紅情不自持

花開點入墨痕涼曾惹南園
蛺蝶忙忽共朱櫻爭入市早借
碧筍已盈筐摘乘十畝挑桑暇
熟趁三眠煮繭香可是麥秋
先告至薦新合祀馬頭娘

擬王仲初蠶蠶詞

桑葉稀前村亭午扇雙扉看
取紅蠶齊上簇地鑪火氣餘霏
微花當枝了紛婀娜堆雪皚
皚雲柔柔麥飯椒漿祀苑窠
新衣滑鬢來誰家不願同功
誇爾巧但願團團如月好無
蠅無鼠風色晴開奩三日新
絲成豫辨晶盤摘玉顆徐排
翠釜煎

瓊英千百玲瓏滿一箔匝地槎枒互縈縛宮坊今歲錦樣添
待爾織成萬匹練

西漢定陶鼎歌

寶鼎見兮色般章傳自西漢共王康
隄縻汧鑄共廚藏器容一斗高尺強
兩耳上抱鳳翼張三環蓋繞龍文翔
厥色黝黑青赤黃鑄刻隸體銘成行
定陶之封由永光哀帝嗣立尊恭皇
送后配葬陶陵旁山東貴震何輝煌
爰舉上祀崇烝嘗詔共祭器粉榆鄉
採金百鍊森精芒六丁鼓橐七寶裝
祠官將事紛趨踰貴重奚啻千琳琅
汾陰好時相頽頽金刀數盡寢廟荒
濟水東北迴汪洋此鼎遷徙知何方
一器近獲阮侍郎共臺先生拓銘題句分攜將惜被互錯
更滄桑卅五廿一紛莫詳涓吉移置焦山岡
要與周鼎垂無疆乃知神物神所祥
好古合遇今歐陽

小重山房初橐

詩一

五

黃婆祠神絃曲

神鴉噪晚巫簫迎烏涇潮上般鼓聲椒漿酌地靈
風生髻花亂插彈秦箏鯨海踏波一萬里歸織匡州木棉被吉貝吐雲
春出指寒機不停道婆喜步塵綵繚紙錢起醉舞中有丁娘子

夏日田園雜興

槐陰濃處正蟬聲吟繞園廬自在行
洗竹好留佳士坐移蕉別譜美人名
懶隨襪襪趨官府願乞清涼養性情
白苧作衫機作笠從容野老話躬耕

獨樹當門一徑斜
蘆簾低接豆棚遮
連畦露潤拋秧馬
別港潮迴響釣車
攤飯汗滋青竹簟
烹泉思溢碧蓮花
興來笑向

溪童問可辨公私兩部蛙

風吹牧笛韻悠悠迎面蛛絲晚更抽地僻稀逢名士鯽天炎
漫問相公牛方傳造醬金初伏候急浮瓜火未流屈指星期
應不遠曝衣須構竹邊樓

塵囂渾不到鷗鄉淡日頻生午後涼龍尾挂雲喧驟雨虹腰
橫澗露斜陽客來儘可題紈扇夜泛猶堪借野航第一桔槔
聲久歇未秋已兆歲豐穰

何處堪消暑

何處堪消暑脩篁一徑深淨滋窗格粉涼墮簟紋陰午飯不
知候子餓時見尋擬招明月上閒理石床琴

何處堪消暑芙蓉一鏡中遠香人靜覺涼意夢回通珠走珊
珊兩魚驚柄柄風最宜呼小艇蓮唱隔溪東

小重山房初稟

詩一

六

何處堪消暑松寮坐門碁閉門疎翠撲拂席落斂遲劫局千
回算驕陽一餉移瓶笙茶熟久起和壁間詩

何處堪消暑蕉窗書習書一方青玉案四壁綠天居滑潤揮
毫捷清涼寫韻徐癡蠅飛不到爽氣襲輕裾

碧筒杯

夕陽醉賞渚蓮紅翠蓋禁持一柄風象鼻巧從蕉葉卷犀心
密使酒波通酬歌瀉得珠千斛寫影彎分月半弓酣飲累伊
雙手捧當筵消受碧玲瓏

皇甫林陳夏二公祠落成紀以詩

幾社人文誼夙敦雙忠祠宇表江村河山尚壯孤臣氣俎豆
還邀異代恩屈子衣冠悲赴水巫陽風雨黯招魂從今香

火畱僧守有約春秋拜墓門

祠西卽忠裕公墓王述庵
先生定議上巳重陽祭掃

銀河篇

碧空瀉影當秋橫銀浦流雲學水聲遼望鸞環衆星接西南
東北長盈盈鴻濛曳此一疋練牛女迢迢不相見亘古無人
起役徒太虛有象登清宴免華隔渚照無眠織素辛償十萬
錢烏鵲來填橋一架雲耕去擁淚經年去來恩怨更番受天
上情緣判伊守碧海攔將漢使槎白榆映作金隄柳關心絡
角漸秋殘壯士休歌出塞難挽使甲兵齊洗淨白狼河北舉
頭看

牽牛花

弱蔓柔花弄曉涼鍼樓人對暗迴腸涓涓殘側梧陰露淺淺
紗籠豆葉香別況如烟撩遠夢秋痕向夕倚殘妝若教採供
星筵畔擬就天孫乞報章

小重山房初稟

詩一

七

含情開近小簾櫳竹尾娉婷點綴工渾付詞人吟繭粟不將
隱語鬥芙蓉半規瀉入銀潢月幾縷吹來牧笛風別有幽懷
誰管領蕭蕭絡緯夜深中

秋蟬

秋信誰先覺元蟬暗自驚悠揚風外響斷續樹閒聲飽吸資
宵露高棲戀午晴漸憎雙翼薄聊恃一身輕柳色非前度槐
陰尙有情草荒山徑悄水漲板橋橫蓮唱翻菱唱松棚接豆
棚扇閒人岸幘簟冷客推枰蝶夢俱無賴蛩音替不平聽時
知易咽移處讓先鳴每憶逃炎候能令急調并喧迷聯席話
哀雜隔牆箏辛苦逾三伏煩憂到五更纖痕窺綠鬢片影上
華纓春晝呢喃燕良辰現晚鷺儼隨時遞嬗特訴志孤清滄
熱吟邊換淒涼蛻後生調琴懷渺渺落葉思盈盈梧雨撩書

觀山煙隔暮城欲酬相警意飛去傷金莖

哭金春帆兼題其遺槩後

愁陰十月飛塵埃長空斷雁鳴聲哀九泉合眼去難覓一夜
斷魂招不來傷哉吾兄幼失怙教養成人賴母撫誰料庭前
玉樹摧不容鏡裏青鸞舞卅角同心止一人謝家中表最情
親鐙下論文聯硯席花前覓句共苔茵八月錢唐江水白乘
潮看點龍門額恨殺罡風抵死吹一雙驚墮摩霄翮天上何
年起玉樓人閒無地可埋憂白衣蒼狗重重幻畫荻丸熊事
事休書堂淒絕飄丹旒幃中擊出遺孤藐藐望到他年讀父書
嬌閨嘗盡茶和夢彭殤難問數盈虧死者何如生者悲月下
那能人再見夢中惟有淚雙垂百篇遺槩新抄就人琴亾後
文章壽不負生前擁被吟敢期社裏挑絲繡音塵回首兩茫茫

小重山房初槩

詩一

八

茫此後思兄空斷腸苦憶秋宵人倦後聽兄百遍讀瀧岡

小重山房雨後漫書

鳥下瞥疑殘葉墮墮蜨飛都傷綠陰來
聽矐矐一架沈香夢過雨
山廳扇扇開

聽松樓

百尺危樓結構牢疏林遠響起蕭騷煎從茶鼎珠泉沸彈要
琴床玉軫高拉雜迴風飄碧瓦蒼茫落日滿平皋憑闌大有
離塵想萬里瑤京攬鳳毛

廢檠

忍使牆陰老曾經照眼明秋宵星自耿破屋月還清燭火驚
前度蘭膏黯舊盟不才當路棄一任短長評

斷碑

識字談何易殘碑策蹇尋荆榛迷古道風雨碎秋陰峴首模
糊淚淮西慘澹心不應蕪沒處壽世到而今

徐闇公先生墓在大章涇南

東林轉眼日西曛遼海歸來鶴斷羣爲種梅花三百樹居人
還識闇公墳

縹雲石歌

英石粵產也康熙閒吳將軍六奇督兵循州移贈鹽官
查伊璜爲時佳話石後屬海昌顧氏今馬君容海得之
繪石徵詩是用作歌

坡陀尺寸陵巒起粵嶺頑雲走千里神工驅遣百鬼靈鞭石
銘心報知已當年細柳開軍門握手貧交涕淚吞六奇曲逆
制全勝一飯淮陰思舊恩江湖年少悲浪迹誰洗泥沙出堅

小重山房初稟

詩一

九

白披絮寒侵料峭晨傾盃醉賞菁騰夕西湖碧漲沈雙峯綈
袍脫後重相逢小亭弄水招放鶴古匣吹鋏終躍龍霧屯鱷
海馳星檄籌米山前冒鋒鏑兵盜潢池三郡豪義激汾陽萬
人敵長驅閩蜀屢奏功昔也鐵可今元戎將軍南下旌旗肅
牙將東來斥邏通書幣衡門問無恙小隊蠻韉盛供張鈿管
懷人津鼓催弓衣潑墨江濤壯羅浮離合風雨思五嶺迢遙
一劍隨歡顏得奉先生杖折齒重圍太傅棊轄下迎賓諧夙
契園中花木延新霽何須借石晉卿詩已構連雲樊重第茗
獄寬羅鑿賜環孝廉船許故鄉還澆愁白墮十千酒買豔
黃金十二鬟璧月華鑑照圍坐簾外芙蓉青一朵窈窕長教
舞袖圍玲瓏恰被香塵鎖珠聲花貌迴超羣顛曲闌中有細
君疊翠分明疑古黛落紅容易對斜曛人生富貴何足道異

地苔岑成永好鼓角悲風大樹秋井垣碎雨荒榛老雲煙銷
歇春夢醒石丈巋然青眼青雪浪遺蹤玉局黃河妍唱傳
旗亭突兀摩挲重珍護馬君得之海昌顧此日林邊認縹雲
昨夜齋頭下甘露

和厲樊榭集中陳女士坤維賣書乞米詩同姚春木作
寒闥銜恨訴誰知不奈拈題玉葉詩往事雲痕如夢過生涯
蝨影益儂悲斷腸久耐調砧苦垂淚真同詠燭癡悽絕炊煙
生破屋可堪重憶舊吟時

百堂文謀補鑄朱子書缺簡出所藏漢玉柙求售

先生藏得漢時玉授我摩挲看不足長尺有二寸半強四周
凹凸去稜角中豁雙孔底參差如硯有眼鸚鵡之厥色黝碧
紛陸離題銘不見盤蛟螭據云玉於漢爲柙曰柙義從古字

小重山房初臺

詩一

十

甲當年七札躡射穿札卽柙形甲之葉考諸禮儀志特詳襦
耶匣耶龍文翔黃縣金縷七寶裝如禮用事帝諸王兼東園
匠職典司龜麟鸞鳳雕鏤織鐙盃人閒那得知流遺此柙應
有自幸哉勿遭秦火焚歷劫壽世真無垠險糜共廚廟器在
寶氣堪共懲妖氛先生寶此卅數年今將出售心茫然鄰家
竈觚拾爨簡歸問削剗空囊錢吁嗟乎先生清貧尙高誼寶
玉恐妨寶善意世尠能讀朱子書此柙亦將碎之地

陳烈婦

女子蔣婦于陳夫寶成家吳門十五許字十七婚舅姑在堂
盡婦職戒且雞鳴視寢食篝鐙夫讀妾紡織歲丙寅夫病疴
夜籲天身代將天不婦鑒心徬徨求良醫赴青溪醫審疾篤
戒早歸婦在房懸中腸噩夢驚泣上堂見面恐不及隨翁往

迎郎舟行半程望眼徹惡耗突至心膽裂江魚有腹葬有所
一躍身輕殉夫節其壽三十尙少九其地太湖東之孟涇口
其日二月十六時加酉僉曰烈哉陳氏婦

過燕子磯

半江細雨半江風無數煙巒送短篷蕭寺游蹤拋不得酒厄
涼暎石榴紅

榜唱沈沈欲暮天扁舟撐向綠楊邊數聲喚賣江魚賤手挽
篷梢候數錢

康台河師留飲瞻園賦呈

師門束髮受知先移節金焦睇遠煙高樹招蟬皆戴蔭方池
折芰此開筵學期無上初桃始文到能新六代前範世經人
難竝得魯靈光殿獨巋然

小重山房初臺

詩一

十一

鐵貓場

雲英如織月華涼丁字簾前燒夜香見說今宵鐙市鬧繡裙
齊集鐵貓場

重陽前三日奉陪陳古華吳穀人兩先生飲松風艸堂

卽席分得殊字

朝攜謝公屐登高采茱萸橫雲雲漸沈翻然歸櫂紆

適從橫雲山歸

太守詩百篇命酒邀與俱相逢紫髯翁豪興更不殊斟螺盡
三雅對鶴成雙矚秋濤助吟壯暝翠沾衣濡留連剪鐙棠宛
轉縈心珠願坐松風中竟此清夜娛

時大彬漢方壺歌

銘曰黃金銀畔玉塵飛碧玉甌中素

歷時物舊藏王隱泉幼扶家張叔未解元得之損其銘寄咏索賦

壺家妙手稱三大李徐終讓時大最礪砂搏埴百鍊精範模

色土藏圖繪商彝周鼎渺莫稽官哥窯質重品題宣和奇觚
未堅栗製取規方玉印泥厥銘楷法二十字大

識黝澤摩挲古吉金缸罈知免汚油淚白碭塊土連城珍當

時方外來高人人間富貴大可買金沙衣鉢傳供春四家

元時時意匠踵奇特提梁菱花門新式正始還推李養心時

乎一出減前色後來贗鼎何紛紛仲芳友泉用力勤老兄謔

作市人語泥牛肖象空名聞非無佳製愜欣賞遂署時名妙

規倣貴埒雜夷賤鼠菌兵燹屯遭愴疇曩茲壺藏自王隱泉

紅鑪撥火銷捺烟四朝歷年百六十治王為順進土吾宗得值緒

三千陳其年詩一具尚值三千緒揚銘却寄索吾賦銘詞愛摘希文句句

裏君謨黠竄曾定綠為玉翠為素春濤魚沸春旗翻長風入

松畫掩關君家雅供此第一峯必洞山泉惠山何時茗戰閒

小重山房初稟

詩一

同試知否文園添渴思碧山銀槎伯仲間蕭寺竹鑪相位置

吁嗟乎瑩璫金飾今不存得之茶具敵漢樽已令陶覆失型

匱矧又薜暴嘲罌益荆南時器甲天下異代流傳得者寡世

無文金邵姓仿時大誰嗣音飛烟空墨陶人瓦

同春木姜小校飲汪丈西邨家牡丹花下分得綵字

花事分鄰春有酒見招每欸徑得二仲勞翁洗盞待卓午天

放晴細枝破芳蕾週圍繡張幄高擁霞出海仙佩小垂手丹

山九苞采日暖香逾酣風輒色不改石家幾興廢無恙謫仙

在為詠朝雲詩夢筆愧傳綵

同人飲墨池上分得斗字

方池水盡墨勝釀京口酒京口有面流枕小亭八窗但揚柳

屋角紅蕎薇綠刺防傷手疏籬添窈窕修竹繞左右春事尚

鼠姑新晴占鳩婦丁丁采桑斧戛戛掃花帚題橋識丁卯邊池
係許鶴沙觀察別業修稜仿癸丑冠五人六人醉一石一斗

藤花餅

連日黃蜂鬧錦棚蒸香巧製點膠餉團將玉粉還珠粉映入
瓊英更紫英豔品櫻盤紅鞋鞞渴消茶盞綠昌明畢羅寒具
何勞問說倩吳均列異名

米囊花

幾畝茶連鸚啄粒一叢穗簇蟹朝魁卷簾人正朝飢甚糲極
吹紅向背開

蒲扇

五萬南愁度嶺長動人一柄潤行裝及時碎葉齊紈貴巧斷
沈檀白羽香規影自團秋月滿障塵欲戰水風涼阿誰廉問

小重山房初稟

詩一

十三

吳船價更采芙蓉爲製裳

竹巾

蕭灑山林製最便織成新籜換貂蟬數重淨浥浮筠滑一幅
涼沾膩粉妍折角雨拚來徑裏掉頭風易側江邊東南幽客
逢迎熟好語歐陽著十年

文忠詩一
冠著十年

雨

陡然凍雨滌炎氛萬瓦跳珠急點聞爛地昨宵占列宿糊天
清曉見癡雲殘荷接蓋穿檐溜古蘚分錢鑄屐文拂拭桃笙
樂高枕任他殘滴濕羊羶

雷聲隱隱隔簾櫳幾陣蕭疎作勢工聚向籬根成活水打從
窗罅趁斜風彈碁坐覺秋生局吹簫聽疑晚掩篷泥滑街南
誰禁得遮頭荷葉翻溪童

滌硯煎茶二首同弟丙章作

割得端溪石塵從禿管封蓬蓬春漲暖泛泛墨華濃藻寫春
前繡巖迴雨後容年來航草聖日滌詎辭慵
頭綱然活火鬥茗竹鑪邊沸水魚吹沫迴風鶴避烟井眉饒
夜雨山脚得春泉欲破聞根寂瓶笙細響傳

啄木

空山寂無聲但聞鳥啄木一啄再啄如有人夏木陰陰翠環
屋啄木不啄花常踏枝槎枒紅襜綠襟紛下上猿升鼠竄矯
捷誇木中蝨蝕木不實爾撥百穴無一失潛身睨視若諦聽
咒蟲書空啄之出初聞鼓響山繞郭白日堂堂動宵櫟又聞
樵唱野色昏老僧晚歸叩寺門啄木兒爾何知禿爾利喙何
不恤散木荒區任繁植嫻嫻有地千古埋何當一啄雙扉開
使我入讀萬卷奇書來

小車山房初稟

詩一

古

權歌

郎去三江妾五湖浮家家本在烟蕪柳絲綰得銀魚口能綰
郎心向妾無

秋居寄二三知己

一懶堪終古情來亦復豪放歌當酒坐徵曲到檀槽玉砌鳴
蟬冷金河度鴈高相思千里月祇有夢魂勞
暑輟涼堂幕清依丈室牀桃笙拋午夢寶鼎炷晨香學道心
彌暇留賓話最長挂瓢殷渴思新貯荔支漿
老圃秋容淡琅玕綠繞階筠枝欹席帽蘚印上藤鞋窈窕紫
萸泚穠慘苜蓿齋湖山舊游地繪作畫屏排
好時林下寄心遠地尤偏落木聞秋雁驚寒咽暮蟬冷銷基

叟劫饑墮麴生涎多感停雲意詩成尺素傳

乞改玉壺山人寫拜月圖先之以詩

玉壺一枝筆窈窕如美人若將筆寫美人照傳得美人心事
真前身明月悟早徹月底芳心向誰說一樣眉彎照清切花
影能溫滿身雪花助妝月助涼拜新月焚古香青銅不磨光
采長三五會照英與皇今來照人淚幾行一拜再拜思渺茫
深闈思獨紆畫師筆妙殊請看滄海升夜珠玉女大笑窺玉
壺相邀素娥手捧蟾蜍俱何不捉君綵筆壺中濡

小重山房初稟

詩一

五

小重山房初稟

華亭 張祥河 元卿

詩二

慧泉

品絃夏流水品詩寫飛瀑頻年賦近游夢繞慧山麓茲來飽
泉味巖竇發奇馥冽寒風薦秋液湛露激宿習習清兩腋涓
涓滿一掬靜中鏡拭奩動裏羅皺穀採源無徑波鑿竅妙淳
蓄嘗聞慧山脉宛轉歷天目來龍峯九起歎飲領珠伏成此
方圓池繚以左右竹居人日攜泉何止百千斛半泓驗水痕
總不稍盈縮芬雖資苦薺甘亦釀新鞠花枝出酒甯慙歷面
山屋灌碧引響繁流殷濯鱗六我清鑒毛髮我濁麤梁肉行
尋浣沼蘇一證茶經陸

小重山房初稟

詩二

翦江

澄江浩無際匹練素波展兩舟帆疊張一纜篋交辯帆隨風
勢橫劃然快并翦茫茫虹亘流溟溟雪紛卷濤迴燕尾疾浪
激船身輒晴巒青與馳遠樹白難辨舵工定兩握安坐足徒
跣但聞聲沸騰相視瞻怯慙直瀉欲千里帆力百鈞轉

登攝山作

江帆泊長風山翠沐新雨寺門對雨開百道奔泉聚祖蹇當
深涉游興頗能鼓衝鞍素練翻澄鏡玉虹舞金碧紛動搖澗
谷互吞吐同來復幾輩圓笠青無數杖叩麾畢登逸駭快披
靚山脚愁積陰山腰霽當午蒼皮洗鱗潤遠黛豁眉嫵一峯
罩一松狀笏向空拄壁斷神隱鞭棧危鬼施斧前行不遺力
後者欲栗股泠泠琴筑聲清流十丈俯轉疑無路上藤蘿絡

岩戶鬚髻苔濯髮蒼鬱石垂乳居僧做幽居古碣鑄太古翻
嗚响嘍遺傳會亦何補我茲香火緣初地緬初祖砌荒摘綠
馨闌亞見紅腐山空斜照滿鳴蟬曳清苦千章森夏木一窺
迴秋宇亭亭最高峯指點借譚塵飛霞暮復還峯頂有棲羽
白門東楊蓉裳農部

秋邊薜荔製衣還句裏芙蓉照鏡殷才士不矜千古業寓公
都愛六朝山晨星吳會羣英在斜日秦淮古渡閒聞說舊時
飛動意豈應庾信老江關

丁卯初冬三林塘展墓

百年祠宇在華表夕陽斜樹老雲扶蓋溪迴浪蹴花扁舟來
往地同輩雨三家祖德猶能述詩成愧永嘉

謁座主劉金門先生杭州

小重山房初稟

詩二

二

纔持使節白門來又見西泠絳帳開吳越同時歸藻鑑江山
得助定詩材華星近應台階列野草新從菀圃栽不負殘冬
還立雪梁園末座識鄒枚

瀛海前塵認古香華亭入志煥

天章因摹石墨秋痕碎

時

先從祖文敏公義莊碑記及古香亭稿奉監遊會稽從

更惜梅溪舊業荒

先世舊有西溪別業

酉籍相

期探宛委遊會稽丁年同譜拜靈光

謂梁山舟先生敢因折簡師

至日湖上看雪

短篷倚清曉吟況寂生眷湖波正漫漫菱蘆朔風戰雨湖勝
晴湖游者徵俗諺別茲雪意佳快覩集先霰山昏積欲睡水
沍淨如練澄觀千頃圍對舞六花旋玉龍應初陽候管眉添
緜少焉新霽開午旭晃波面閃影寒鷺起還向碧灣見

除夕胥門舟次侍家大人作

連宵爆竹響前津此夕椒盤薦五辛
客裏祇攜雙甕綠舟中仍聚一家春
身隨計吏瞻雲切戶祝豐年
望雪頻屈指慈闈旬日別挑鐙應念遠游人

月夜泊舟焦山下

一更月捧黃金盤二更月漾水晶丸
三更四更風露寒月波浩浩江波寬
江上青山如過客獨立蒼茫數遙夕
斗大星明山頂石山鬼有時嘯空碧
漫天詩氣萬籟秋舟人夜語歡復愁
明朝不及焦山游五更風順收瓜州

荏平道中

頻催騾鐸醒羈魂小借茶甌洗睡昏
隔院琵琶聲轉急夜寒如水月當門

小重山房初臺

詩二

三

寒帷霜氣十分嚴閉置車中悶豈堪
一笑可能成就爾此身蜷局已如蠶

停驂古渡待晨光受兩三人勝野航
篷背阿誰欵笠坐鞭絲長過釣絲長

撲面緇塵罩眼紗嫣紅那覓霧中花
前邨畧近江南景雜樹黃疎柳放芽

借書不得詩以自解示沈弱侯吳巢松同年

撻篋我無柰借書人莫酬癡會嘲菘苑
難本喻荊州奇字趨庭問叢編插架愁
一紙如可購擬典肅霜裘

春歸

春歸滿地惜殘紅尙憶芳枝點綴工
索倩護花鈴小小那禁消受五更風

雨中喜朱虹舫編修茶堂職方過訪

不爲留香戶亦扁槐涼吹雨入疎櫺斷烟恰挂林梢白小草
偏依屋角青緣乏借琴彈淥水快新獲帖寫黃庭翩翩二妙
來何幸且共敲詩擊鉢聽

聞笛

一聲嘹唳趁風斜萬種蒼涼動客嗟旅館孤檠聊此夜高樓
明月定誰家三邊有鴈初傳帛五月無梅竟落花說與知音
多觸忤青衫可奈泣琵琶

賦舍輿勝寺東顏曰峙巢

屋北古槐樹有鳥巢其顛屋西舌蘭若巢亦高枝懸吾居峙
其間寄跡猶巢焉斗室僅容膝菲檐差及肩却掃黜朋從古
歡叢簡編聊耽白醉吟誰關青駕禪詩聲雜涼雨梵響停宿

小重山房初藁

詩二

四

煙羈羽滯鄉信遙睇秋雲邊秋雲不可卽鄉思年復年

小時踟里閉早抱江湖志六詩更三筆吾學麤肴蔽贈句拜

老龐多感策蹇躓

吳山尊丈贈句云父子一家
皆有集江湖三筆更何人

年來游跡羈

所喜輒隨侍執友張

船山與鮑覺生

儒雅合師事盼睐古成

飾高軒過蕭寺平子工四愁八法尤恣肆此巢要題額會乞

肇窠字

戊辰秋侍家大人借賈午亭年丈會同年留京者三

十二人陶然亭

高屋背流水遠山而荒野坡陀經幾折柳深繫余馬良友見

不數素心會同寫秋炎美瓜飲地僻淨蓮社折柬詩倡吳

巢松爲倡先
有詩紀事

譚經席推賈西游興早動

沈小宛有
西安之行

南望臂遲

把巢松出童琴南
把書云將北來

客蹤艱昨借異聞愜今寡呼煙語鷗波接

雨鳴竹瓦簾垂隱樓堞筵散亂杯筯後約指春杏看花復亭

下

集巢松齋同劉芙初丈弱侯徐秋厓畢子筠送春木之

蜀中

三條曲巷頻來往不怕邨龍吠夜寒白雪歌聲空樂府秋風
詩意滿闌干書生居豈燕臺易公子歸同蜀道難一領輕裘
馳萬里酒痕狼籍盡餘歡

程春廬年丈招同宋芷灣陳恭甫兩編修方鐵珊孝廉

飲孫公園寓齋

春雲撥襲香寒霧釋鑪火不知氈幕外今宵玉戲頗益哉敘
勞積躋至參離坐高文示鏗耀妙論開豁間常時戒狂醉禁
此袍袖驪矧復集騷雅斗酒十千可庭柯膩粉糝園石玉苔

小重山房初臺詩二

五

鎖一白認荒曙飛絮歸輪裏

己巳莫春隨侍出都芙初丈琴南賀滿耕偕來送別

詩以謝之

經年舊雨共京華一度春風一度花公等不須相慰藉我誇
失意轉還家

登岱

胚胎一元天帝孫秩祀五嶽東方尊古來封禪七十二至今
絕頂臺巋存群山來朝萬千笏衣紫冠青拜金闕陰陽闔闔
神鬼符風雨文章漢秦碣繫余少讀工部詩盪胸雲氣神爲
馳籃輿輓革絕鐙上要看出扶桑枝岱宗坊前夜昏黑衆
訝尋山靈運賊始經盤道人解行旋入紅門路梯直層巒插
漢風摩空昇夫喘息成啞聾四十八里三百步寸步艱險何

終窮天紳垂垂石關下橋折登仙嶺迴馬榛荒憐怪埠帶腥
土變黃中峴塗赭連盤十二紆奇探條而自上下者三遵途
平坦極稱快峭壁陡復空中參御帳開坪天尺咫真宗東封
今已矣天闔掌者五大夫老鱗千年走海死萬歷間松以起
峻拔去今植有
五松非秦封
之二株矣惟存龍峪大小龍對山翠時名對松神麾羽蓋
互離合木仙髯叟相追從百沸濤聲出兩膀閃白痕殘月鉤
射烏魂悽欲驚露梢蝠噓尖看補苔罅盤愈峻愈絕塵身
如裊空游絲春動搖頂上幾兩屐突兀畫中重累人翠屏週
圍三面列一面當之受風缺迴思下界知有無仰視高穹漸
清切我來手摘星斗橫今朝真繞台階行急趨日觀登恐晚
碧樹已唱天雞聲四表虹霓若騰擲忽白忽殷忽紺碧烏峻
直踏渤澥翻龍君捧出瑛盤赤人生壯觀凡眼開兩大色相

小重山房初稟

詩二

六

真形該楚江紅萍但如此吳門白練安在哉阿閣琳房歷如
故金書玉簡有誰護氛霾蔽夜辨沕茫巖岫平明豁呈露嶽
嶽山體天體伴豈直控魯兼齊州齋心早企碧霞景繭足難
徧黃華游萬古何人作岱史窈窕穴窺空自侈太平絕頂曰
太平頂

游記摩崖書書年己巳月己巳

山行雜詩

前車雷走聲隆隆後車馬疾嘶當風出門齊戒早行好轅下
鐙斜星一道環林十里猶平臯林窮陡歷山坡高沙明路白
春草死細碾雙輪紛石子四蹏火爍蹄鐵温夜涼馬汗蒸濕
昏崎嶇萬狀寫凹凸象踞虎蹲馬防蹶以人御馬力尙能長
鞭勁裂黃河冰忽經斷澗水簾挂虹亘千年石梁壞舍車思
挾行雲行愁經堊循天微明使我兀坐駭心目已聽前途折

車軸

羈心搖搖畫驚窳迢遞山程紛莫數望眼頻穿夕陽路村人
招客供濁醪攔車入店馬入槽脫鞵馬滾塵沙高須臾西山
白日落日湧輪圓照荒漠俯保繞廊手擊椽床頭鐙滅犬不
鳴獨客就枕夢欲成攬聲轉急催客行

亢旱燥初夏日出兩厓赤黃塵卷地來和汗鼻端積微參兩
觀何處香棗花一白邨籬隔邨前古井闌井冽引泉脈輓轆
鴉軋水有聲將水飲馬人意惜吾家湖上波正長渴想勞勞
感行役今朝小穀城明日司吾驛林表閒雲似歸客飛去江
南水天碧

短檠熒壁出飢鼠隔院琵琶夜深語琵琶本是江上聲四弦
裂帛難爲情賀師老去石槽冷大小忽雷彈不成誰家女兒

小重山房初稟

詩二

七

好顏色幾曲新聲那拋得十三上店雙髻了十四插花鬢雲
黑學成絃索父母歡穿街走巷嬌羅紈眼熟店檐颭旗影今
宵大賈來長安

袁江謁合河師歸舟賦謝

發源星宿泛查尋奉使重來鬢雪侵三晉河山供載筆
時方撰晉
乘蒐 十年桃李見初心春糧不憚歸程滯餉酒終宜問字斟
承餽
米酒 此去江南秋水澗何時更聽刺船琴

三宿南橋莊氏快閣歸舟卻寄姊聶華平藩掾

快閣環林畫影義蕉陰積石
閣下一齋名 一簾遮秋雲閒趁初歸客

夜雨涼催未放花度曲鶯聲猜北部投床蜨夢悟南華頻年
與爾同羈縲江上扁舟卽是家

申江舟次同王澹淵同年

夜坐覺潮生鳴雞報五更酒醒無復寐燭短不勝情鴉雀知
風力菱蘆尙雨聲那堪寒料峭篷底炙瓶笙
淮水依清上河流入海降幾年同遠客此夕又申江榜唱沈
鳧渚鄉心話荻窗停舟何處是驚起隔籬龍

池上

閒攜步履向蓮塘一碧流萍下釣妨夜雨添來三尺活曉風
吹足十分涼青銅葉鑄江心鏡白羽花飛扇底香差喜故人
申近約洞庭湖口待歸航

爲顧淞南山人題畫

小憩甌香兩腋風林巒洗眼翠瓏璵無聲詩好倩誰讀百尺
寒濤秋在空

吹芸繭紙墨樓烟展障鴉叉玉鬪妍招得藤蘿古時月向人

小重山房初稟詩二

八

常寫意珠圓

澗雪琴陰淨歛氛樵邊落子鶴先聞山中勝友蒼髯叟相守
柴門話白雲

桓譚西笑罷長征客裏關山畫裏行藤帶竹巾閒便得北風
雲漢兩無情

聽妹聳王芝岑彈琴作梅花三弄

今樂不知倦古音傳渺冥照人山月白一曲海天青會洗溪
邊耳從君指上聽梅花清入夢紙帳有餘馨

東郭歸舟卽日

郭外舟行東復東城西歸棹疾於風不妨作客還鄉乍柔櫓
一枝聽遠鴻

紅蓼花妍臨水鏡白楊枝秃挂漁簑村童叱犢夕陽裏渡口

潮平浮鼻過

三絃賣曲上街彈托鉢僧歸破衲單岸草依人青入畫斷痕
染出燒田癩

東馬橋連西馬橋水天過雨亘虹腰有香飛上儂詩句簾罅
鬢雲暉翠翹

聽泉圖

俗耳悅繁響當歌競絲竹幽人証聞根寄賞愜林谷長松搖
碧陰其上有飛瀑琤琤玉鏘珮錯落珠瀉斛和聲緬隻彈攜
軫得蕭僕襟痕滌寒翠雲意墮清穆山空月未上坐久茗初
熟人生貴知分諒哉颺鼠腹

康烈婦

生完宋女死康婦婦德節烈女貞守稱婦於康志勿負婦家

小重山房初稟

詩二

九

清貧父業儒幼習鍼黹通詩書及笄許字康心如朱陳之村
故同里誼吉求昏歲甲子一旦病疴藥不起康有歸母婦則
姑姑寡無嗣嗣婦夫死更嗣弟夫宗扶婦志徇夫哀激厲駭
聽姑家返聘幣生不改適出死誓上堂拜父乞父憐女心一
許無二天請往奉姑終女年父曰此心吾鑒汝此事須憑姑
汝許挽鹿無車媒斧拒眼枯四載愁斷腸鴟鴞音革孤鸞翔
釜歲已已來歸康歸康拜姑遂女志納女終非姑本意小樓
獨居下無地焚香祝天願姑壽姑心不怡職婦咎詬諄鞭笞
一身受姑不婦憐父痛惜一死從夫姑意釋月照牀頭帛三
尺戚鄙桑歛心不平事聞官府行請旌年華三九松竹貞
松有心兮降霜雪竹有筠兮濺淚血一世茹荼博同穴

偶成示妹登姚建木

破裘風雪灞橋驢歸種冰香月一鋤春近翻嫌花信晚歲寒
肯放酒人疎禪依島佛低眉坐詩倩山妻弱腕書畢竟柴門
遠塵鞅何妨潘令賦閒居

輓百堂丈

大善難修老病死解脫虛空悟宗旨詩人自參賈島佛佛化
詩留壽文梓年高耆臘心戒珠偕鷗頭白鶴骨臞木脫石青
振奇律問天有句神妙殊初恍翅海香求迹塞鏡栽花擅標
格江山得助入豪唱猿鳥能歌懾羈魄苦提見月今覺來古
春秃枝隴首梅冥情太素索微笑卽詩卽佛色相該平生躡
屐繭雙足王屋仙鐙駭搏旭東南歸計短叩健台蕩囊吟勝
矜續蓮幕塵飛歷世態更舍茅龍止烏愛闌新古義功六經
姤昔靈修景羣輩何圖示疾疾不支撒手成佛癡雲癡朝驚
鄰篴悲斷竹迦陵會唱秋墳詩

小重山房初稟

詩二

十

和芝岑元夕兄弟分韻

萬家燭樹破寒烟第一良宵雪霽天鷓月詩成華萼麗帶星
春聚草堂偏相邀紫卜蟾三五齊發黃封斗十千顧我閨西
違雁序伴梅孤聳夜吟局

吟到吳珠客袂單試燈時節跨征鞍六街繡踏香塵輦千里
雲歸璧采團無分投瓊呼醉尉便思撚粉戒湯官冬丁虬水
漫漫夜猶聽葦城疊鼓寒

贈徐漁莊

小學凡將無復字金節壁璫出銻秘蟠螭壓紐科斗垂銅鑄
摩挲古誰擬徐君食古通籀文仙書薤葉篆刻勤元常鴻海
波磔妙安道雞碑道勁分才人技絕莫君匹屈鐵有神亦椽

筆刊雲壽石凍解春鏤玉青田點瑩漆土花織幅千蒲桃螭
飛釵脚窮秋豪畫師能事不受迫感君若然快奏刀筋翦雙
奇虹采斐漢印秦章存者幾報瓊篇短抽繭絲手盒芝泥紅
押尾

花朝昌雨訪梅南埭戲成示主人二首

無恙橋南舊草堂剪刀風裏破寒香頭番芳信花生日花要
山人替舉觴

西園虬榦遜南村小劫春寒鶴守門囑爾憑闌一枝遂莫教
吹近月黃昏

寄師將之天台和留別詩韻贈之

金繩界道聳蓮宮台嶽標名內紀中五蓋游塵空惠始三幡
慧業悟典公鈴擔鶻脆同飯佛後海鷗閒合署翁底事行雲

小重山房初稟

詩一

上

留不住躡虛芒屨太恩留

生涯瓶鉢梵王書稻帔侵畦翠引裾大衆談經花雨地常時
枉錫水雲居青鴛舍闢輸成後白苧詩裁錄別初拾得寒山
應記訪丹邱頂禮獨遲余

崑山舟中

濺雪槳牙白迎潮水倒飛玉山看婉變官渡辨依稀收網漁
舟集鳴根鴨陣歸斜陽黃一色恰映菜花肥
薄暝向空合新寒傍客生人家千樹隱遠水一條明牧笛不
知處盟鷗空復情明朝風色利準擬挂帆行

師子林

不逢仙手皆頑石特幻師形鎮荒僻數峯高下緣曲通林合
成圍嶂分脈前峯伏處後峯起混沌鑿開天漏碧一峯一磴

一樹扶磴轉峯迴樹千尺天風萬斛罩寒翠中有小亭補峯
隙峯多嵌空花影重夕陽西來紅不隔上行曦附聯衣裾下
者螺旋露簪憤使人顧盼動生駭出入烟雲渺求迹香爐那
識匡廬真太華何殊巨靈擘咄哉高士迂且嬾畫本人間此
奇闢

自木瀆移舟靈巖山下

花枝缺處畫圖開花事唬鶯急急催山徑肩輿巡竹往土人
腰袋進香回暮霞束嶺添紅樹春水將湖潑綠醅三月東南
風信好輕帆如馬筍船來

穹窿山

靈巖峙其右太湖滄其左道氣燭昏曉全山盛香火千年古
木繁一握大雲鎖何時訪赤松采藥持贈我

小重山房初臺

詩二

上

高翰裳松下看詩圖

天風翅海下臯禽吹和寒壽費苦吟要使中聲砭俗耳從知
正始雜仙心斂痕折溜腰圍減黛色宜烟髮彩侵我亦十年
思種樹閉門弦讀借秋陰

春木出示蜀游舊詩繫以長句

蜀中山水天下奇奇境天闕徵奇詩古詩李杜兩奇絕後來
詩人奇者誰烟霞不作詩人寶茫茫山水千秋老壯志西南
萬里身聽君歸數蠶叢道君言游跡紛詩材危險歷遍心胸
開出詩示我入豪唱恍帶峽雨灘聲來十斛茶蘼郵井水一
醉常呼百靈起投筆壺中波浪翻玉女有情亦驚喜清猿夜
啼風叫號狂吟直與天爭高迴吹古餓破空碧繫君長句星
辰牢星辰在天詩在紙割據天分鑄詩史全藩襟帶會錦官

上將風騷眇餘子看雲夔府武布還籌邊樓古書生閒護持
在處有神物得助未必非江山君今家居塵揜屏才斂詩歸
平淡境髀肉生知客騎疎髻絲拂映秋河冷我媿臨邛游汗
漫拚衣短後換儒冠如今絕似江南樂何用長歌蜀道難
病起東同年梅小庾殷星喬

晝寢恰當暑病來不自持炎涼更片刻枕簟輟常時夢穩甜
鄉適方多藥理知意行驅瘧鬼鼓興一題詩

容易昏黃候蓄陰月一叢金風耿河漢冷燭黯房櫳好句愛
難割奇書卷輒窮更誰吹斷竹飛韻碧池東

秋來如舊友延爽入窗紗瓢酌初懽寄林泉逸致誇在山猶

小草同譜各呈華

謂吳謁人賀
滿畊諸君

往昔燕臺路星馳使者車

一覺湖山夢園居自早涼垂楊如我嬾新菊似兒長曲架雙

小重山房初稟

詩二

主

禽語圓池萬葉香靜中參五蘊進步禮空王

鏡聽辭

秋水亭空古時月月暈青銅照盈闕別郎幾見月子圓鏡聽
空房麝烟歇小姑那解箇中意常恐牽衣挽儂臂潛身竈下
安鏡奩月白無人墮釵地相邀紫卜斂拜深鏡儂照面郎照
心月明千里郎心共鏡花雙蒂秋無陰東家纜絲響寒杼悄
影停鐙作私語郎歸有期月三五今夕清暉恰當午

北行途中見新柳

何必千條與萬條他鄉幾縷便魂銷儘傳綠意春仍淺待寫
嬌波水更遙風力颭隨鞭影亂塵頭卷入馬蹏驕蒼茫野店
斜陽外可有紅帘隔樹招

留兗州王善香表丈觀察署中三日遲馬潤三同年不

至

春明昨夢記同游風雪征途振傲裘遲爾長風曾北固招人
明月又南樓兼旬別緒琴尊遣幾夜春寒鼓角愁千里河身
多曲直不應濟水此分流

趙北口

柳絲纒碧陰迴風拂塵韆高枝旭漏晴懸巢大于甕好鳥亦
解事對客作清唳醒眼洗易明覺我烟水瘳網多一橋聚艇
捷兩槳送微聞魚氣腥漸近市聲聞野店繚垣曲春花補籬
空擊鮮動口饑娛景託吟諷入饌足數尾今日飲須痛

題周肖濂太守詩藁

草檄憑鞍萬里身西南烽堠望中頻槍歌盛葉宵無夢橫埽
橈槍筆有神隱豹韜曾諮祭酒珥貂銜轉稱詞人黔陬樂府

小重山房初藁

詩二

古

蘆笙奏猿鳥還依甲帳春

漣江江水接牂牁銅鼓山高翠點螺詩律知同軍律細吟聲
聽和頌聲多釀花酒味干鴟倒夢草草鄉心一鴈過藁中多憶弟之作
他日蠻天傳浩唱弓衣繡滿洞苗歌

閏三月初七日阮芸臺先生招集萬柳堂

老柳垂垂夕照俱豐臺話到野雲蕪園亭此地希廉相壇帖
當年盛益都春入詩襟新綠潤客來酒坐落紅鋪卽看盧趙
風流在尤信斯文大雅扶兼謂翁覃溪先生

九陌緇塵洗眼初竭來負手繞僧廬百年喬木春無那一角

殘山畫不如呈佛自嫌詩句拙有人能補柳陰疎宋楚雲寓此補柳

底須華屋成追慨喜捨拈花爲破除康熙間易今名拈花寺

書陳節婦事

別鵠歌倚楹夕一世寒筠抱霜魄三伏流金不壞身幾夜螢
穿總幃白蚊聚徒殷四壁雷凜若神威爲驅策迺知植節肅
莫犯小物何知貞可格古驛祠荒記露筋翠羽明璫今視昔
那放青蠅作弔客

芙初太史南歸卽次其春間送別家大人詩原韻贈行
二首

怕從逆旅醉離筵十丈紅塵逐去鞭如此江山詞客夢無邊
風月故鄉天扶搖路隔仍羈羽聚散情多欲語烟生就清癯
標格在冰銜雅稱玉堂仙

蓮剎心香揖佛時詩舲幅小辱題詩 上林春暖鶯啼早別

館花深蝶過遲南北參辰懷隔歲仙凡桃李媿同枝

劉中翰另君領
會榜而余被放 文星若果茸城駐何待藟鱸動客思

小重山房初稟

詩二
五

講席

爲熊見甫題扇

秋高一鏡桂烟涼停豔回鐙訴別腸誰喚湖頭單舸住泥人

清夢落鷗鄉

畫師寫豔本天成扇底看來髮貼平不是玉梯橫絕夜爭知

月到畫樓明

芭蕉有結展丁香猗黛春山黯自傷莫向湖陰尋篴去落花

三月正斜陽

楚天何處問行雲雌去雄飛各失羣猶認髻犀釵燕影要將

小象佛香熏

寄輓家希白

地下修文豈是真問天何遽喪斯人黃金臺遠虛存骨白玉

樓空不貯春柳色江南霜信早雁書冀北淚痕新返魂那覓
神山樹翠羽明膏總劫塵

鹹海羣鴻筆勢成臨池最憶玉英英素知體弱同王粲翻恨
才高誤賈生慈荻堂前揮老淚孤桐廡下咽商聲可堪歎逝
鴛原隔香火三年滄舊盟

若兩從兄德山
瑞徵相繼天折

花兒市

花兒市中多市花市花五色人前誇人來買花價不賒製花
有匠極工巧枝葉紛拏出春爪一飯花中儘堪飽擔花早起
上長街千純錦繡街頭排護花高懸鳳字牌富家生女稱國
色一花三日插不得貧家無米愁炊烟女兒買花不惜錢

唱梵行

前吹螺後擊鼓披黃衣禮佛祖唱梵不辨聲胡盧要佛歡喜

小重山房初稟

詩二

七

哆口呼香烟搖動青蓮跌佛放光明示僧衆亂灑揚枝雨飛
凍三萬六千場一夢君不見佛鼓非鼓螺非螺骷髏裹革作
鼓繩螺窠白骨截足多當年忍捨身供器獨稱珍衣上撲去
黃沙塵成佛作祖有宿因

同人約豐臺看花不果走筆答之

隴蜀軍還寄碩邁昔遊如寢託微波留花三日春無價澆豔
千叢酒有魔總許東風吹斷竹誰翻驟雨打新荷沈吟節序
嗚鶯暮可奈垂楊糾惹多

憫忠寺

東海潮歸喚奈何北臺草長暮雲多三韓戰氣銷金碧上界
鐘聲出薜蘿傑閣題詩愁史肅

史肅登憫忠寺閣詩有喧卑
三界盡制作六丁愁之句

殘碑墮淚激曹娥

指謝豐臺
山事

祇今往事僧能憶還手靈芝斷石

摩蘇靈芝塔頌

芷灣太史惠書近詩賦贈

大隱先澄物外心高閒何必脫朝簪灌畦太史曉露衣緇浣
行藥新霜髮采侵嗜古君攜顛米石品詩我鑄島仙金惜無
繭紙千番在修竹崇蘭適興臨

書帶堂前稱意苔眼前花木等培才襄陽拄杖詩星見太白
攜尊古月來脫口文章諧竹肉賞心圖畫卽樓臺蕝羹羊酪
評風味勝是清言七發枚見示合藥詩有君但味風味飲之勝羊酪句

送徐少鶴學士視學皖江

拜 恩柱史下天墀指日星輶使節馳草制北扉唐學士談
經南部漢宗師包茅待入名材貢佩玉宜酬 特達知況是
條冰清望重定澄藻鑑向華池

小重山房初稟

詩二

七

榮歸佳話紀司成淮海詞章昔擅名無錫秦端厓司業乾牛隆間曾視學皖江
渚風烟家百里龍門聲價壁連城秋波畫楫聽潮約春雨官
齋對榻情令弟季雅同往試向金焦停棹戟青山還識舊書生

卽目

兩株古槐新綠肥雙禽對坐語春歸忽然吹面好風至冷布
窗前雨腳飛

出西直門至 澄懷園直廬同趙二君復

片雲吹不起雨勢壓高城野水依橋盡山花傍轍生搗來塵
境遠坐到曉陰清與子憩閒寂偕攜釣竹輕
此地蓬萊境居人便是仙丹黃書委宛左右竹嫵娟古木不
知歲名山別有天子規聲欲老萬綠又鳴蟬
迴廊添曲折一帶藥闌斜短約偏宜渡疎籬不受遮候潮剛

浴視占雨待移花我本盟鷗侶棲遲慣水涯

坐雨和君復韻

蕭蕭涼吹入密點聚方塘林淨明遙巘雲低漏夕陽池魚翻
水白梁燕補巢香無事得禪趣相看澹欲忘

戲詠池中鴨

天隨養得能言鴨閒散江湖釣石溫著爾此間春水暖更無
金彈笑王孫

重五日作卽柬李芝齡年丈移寓

棲雲曾借一枝巢爪雪經年跡已拋兩度看花春夢淺三生
得句寺鐘敲關心吉語題鶯底到眼新陰上柳梢令節念念
逢午日獨慙蒿艾插門朝

曹玉水評事謫戍烏魯木齊雨中送至天寺話別四

小重山房初稟詩二

六

首

謫戍天山外時平亦壯游青洞客鬢白漫愴烏頭鼓角邊
聲勁星河夜氣秋猶容蕭寺裏摻袂爲淹留

全家分別苦襟袖淚痕斑愛日還依闕餘生待賜環況
君承厚蔭在昔勤天顏問道春回早和風入玉關

分謫同官在偕行得顧翰中彭水都登臺鄉思共跨馬客裝輕煉
概申朝誼艱難見友情傳家惟諫草屏當事長征

祖道終揮涕傷心不自持黑雲連日雨落月一編詩斷雁傳
書杳荒雞醒夢遲別無持贈物勸盡掌中卮

澄懷園直廬寄趙大子啟城中

山明衣桁日銜西蓋偃長松列翠齊得句慣勞飛騎送追涼
愛聽斷蟬嘶分苔補石迎新雨刻竹開屏檢舊題一甯巖城

游興減釣絲塊獨理前溪

余有南歸之志寄舍弟

分作桐材感爨琴飛花怕向笛中尋開身頗媿工詩日壯歲
誰無作吏心東壁餘光棲弱草西堂遠夢負清吟何當把臂
秋風裏香鑄踈林萬斛金

河間道中重九

思親不禁獨高歌下九佳辰客路過吹帽風狂鬻氣逼沾帷
霧重月痕磨數錢姹女誰家店篆水初鴻九道河已就歸雲
南望近可能原隰菊華多

德州

暉渡車來趁夕曛河干秋漲水沄沄雅盤陣黑依檣下驟掣
鈴圓到岸聞古廟靈旗還夢雨高城畫角罷行雲頻年驛路

小重山房初臺

詩二

九

經過熟間訊陽湖舊使君

謂孫洲
如觀祭

偶成

山行改轍就河梁穩便驅車似野航一白蘆花晴有雪小紅
相葉飽經霜邨帘速客聊麤攜旅店逢人話故鄉爲報安瀾
期有準淮河此去撤秋防

荏平

初旭瞳矓撥霧開四山紫氣擁樓臺曾經日觀峯頭駐親見
鮫宮赤繖來

白桐城驛策蹇至舊縣

早行已過桐城驛更達官橋一水通茅舍竹籬隨處是人家
都在棗林中

荒臺何處問三歸驢背秋光半夕暉一路看山看不足四圍

煖翠上征衣

北沙河至南沙河

尺幅倪迂畫溪山得地偏編茅支矮舍剖竹引流泉野鳥蒼
茫夕邨沽醪酤天更詩沙際路飲馬向淪漣

落日平臬滿天然繡綠疇輪邊驅鹿犁外叱牛牛寺接白
榆暮山銜紅柿秋等閒飛轡過此景足勾留

不點塵中雪沙明一鷺翹垂楊高下阪衰草短長橋掬水童
心喜歸槽馬力驕居人供菜把清飲月同邀

陰平

初日銅鉦掛短檐桔槔聲裏曉寒添遠山帶雨剛垂腳壞塔
堆雲漸沒尖汶水波澄沂水合蘆花絮卷荻花兼此中本是
匡衡里抗疏功名杜老嫌

小重山房初稟

詩二

三

邳州道中

停對濁酒旅愁諳洗筆詩天興復酬別去屨沾懷蘓北天然
圖畫入江南燒痕斷岸泥封紫水色長空鏡染藍遮莫銷磨
蹶鐵慣無端羈勒更何堪

荷花塘

上水清流下水黃半湖濕霧半斜陽年年隄岸高於水蘆荻
花邊見女牆

抵家

兩載京洛塵眼明見江水舟行不計程下流激箭駛一水達
門巷客心先自喜樞衣拜堂前久缺奉甘旨采蘭色笑愉遵
陔風曰美諸弟辨肥瘦嬌兒弄紈綺傳家住牽船安用行勝
配天末有停雲歸哉遠游子

春木招飲白石山莊卽席分韻得買字

鄉園樂幽僻林木足瀟灑只有屋角山千金亦難買重茲丙
舍安得古堪興解誓墓孝思軫艤楫秋潮駭我來拜祠下靈
風颯颯躡潛夫澗松盤傲吏籬菊矮窪尊傾碧設冷楓舞紅
罷醉歸星滿湖呼鐙看捕蟹

和春木白石山詩

東余丙舍

亭亭華表鶴竹柏四時春遺志歸雲在名山足後人

帶經書屋

傳家有賜書負郭得恒產長日耕且讀春暉樂何限

鄂不樓

試詠棠棣篇對管萬花紫遠山機若雲一樓此間峙

小重山房初稟

詩二

三

白石草堂

徵君懷石隱一角草堂分當日尙書履頻來躡白雲

東墅

在山雲最閒出繫蒼生望世局自千古了了楸枰上

藏山閣

風雲過似幻面目見尤真會得藏山意懷哉蘊藉人

浴鷗池

泛泛水中鷗物性觀自在一勺亦天池驚波任滄海

杖藜橋

江南足春雨橋下水溶溶有誰題字好飛動葛陂龍

微波榭

洛神有祖本不數獻之跡我來一臨池風水見波磔

玉魚亭

季鷹多癖嗜海岳有饒詩紅樹秋江上偷閒作釣師

小師林

一拳聊復爾縮本畫倪迂石壽佛無量山移公不愚

金粟臺

臺前花雨繁黃金綴秋色一粟渺大千成此衆香國

歲寒軒

天風來撼屋萬斛濤聲壯蕭然著書人歲晚兀相向

讀書廊

萬里歸來早重山蜀棧多幾回成晤對猿鳥意如何

雪香亭

臯亭曾蠟屐鄧尉記停鱸雪月交光夜孤枝瘦影扶

小重山房初橐

詩二

三

楞寮

散木不世用逍遙別有鄉人間誰福地世外得靈光

指姚姬傳先生

小重山房初稟

華亭 張祥河 元卿

詩三

以初稟寄正穀人師附呈二首

臺閣儀鸞鳳文章盛管絃及身千古在正味一家偏夫子繡
彌勒長庚詩謫仙早知頤養得晞髮自陶然
却笑雕蟲技非闕享帚誇尋源歸大海刪葉顯孤花爪雪初
鴻寄心香遠驛賒常時飛動意豈敢任年華

和春木見贈韻

文章說法有傳鉢風月當場不論錢後起誰居靈運佛先生
應是建安仙能來尊酒輒長夜憶別鱸魚空幾年失學早時
知漸悔醉歸繞屋意茫然

小重山房初稿

詩三

謝春木惠香

世間野馬不到處錦幄淮南第一春吾廬復少百城擁芸艸
荒寒水石濱捧鑑兀對龍象馴作詩問天如有神爲語是香
享無忝獨君修得梅花身

癸酉穀日偕建木散步至放生池訪蓮華庵

發春靳放晴初霽豁寒霧城居輩出游避囂得村路波澄十
頃圍林轉一橋露礙帽低折枝握衣窘連步客來散籬雀水
動聚野鷺得地宜澤梁厲禁絕漁捕嘉哉育物仁慈蔭上方
布入門靜鐘梵花木亦禪趣高閣納橫岫遠沙指前渡亭亭
雙塔峙隱隱片帆度與子足幽眺斜日下庭樹

展墓筠溪載申從兄出圖命句

筠溪何迢迢扁舟歲一至先世業儒素圭筆首基誌百年喬

木陰遷徙各異地
兄居面溪水仍此
舊巢寄對宇墓田
望鬱葱曉雲闕我
今展墓來花時屆
春季飯兄艸堂中
祖德輒我示兄齒
同輩尊善談老彌
恣平生閱世態逍
遙快初志三橋
健短叩七佛禮蕭
寺寫句入圖畫面
皴觀河始三橋七佛爲
筠溪之勝

和春木六月甚寒戲成二絕句

足雨連陸浸綠秧
門前一水月茫茫
田家自有閒絲竹
萬壑蛙聲送夜涼

兩載平原入洛游
今年篠飲齋東頭
青州從事化烏有
恠底醉鄉先乞休

君方
斷酒

贈孫淵如觀察

觥觥雅望識歐陽
柱史星明問字堂
一石量才何斗筭
四時得氣獨春長
蘭綉牙繡枕初服
薜剔鴻都萃古香
況復紛綸

小重山房初稿詩二

二

經作筇不徒解字釋凡將

叢殘舊志百年來
留遲先生史筆裁
當事延公
總貴郡志泐貫仙查迎
璧月門堆古雪話
岑苔謂蒲褐
老人九天咳唾
璣衡在廣厦風雲
燕雀猜走媿蘭成
多癖嗜韓陵萬紙
拓鴻才指集中防護
昭陵碑一首

池上對月遲春木兄弟不至

斗北挂詩瓢河西
泛畫橈風清如過
客月白是良宵無
數碧陰聚有時花
韻飄如何攜手約
獨自舉杯邀

苦熱

鼓橐洪鑪帝裝炭
迥駭翔陽吹不散
人身渺小鑪中丹
初伏庚金蒸早暝
清風莫我來驅炎
枝頭灼灼火一椀
人間那覓水晶域
擬踏古雪峩眉尖
何當天半涼雲作
催動羲輪海中落
不然鞭石急呼兩
老龍出噓瘦蛟舞
快哉四野翻海聲
茅

檐齊挂晶簾明

雜興

種秫他時富酒材近緣畏暑罷銜杯銀河問米連宵去鶉火
穿雲帶熟來卷幔驚蟬移碧蛻埋盆遷蟻上蒼苔關心細數
池蓮萼每日參差數朶開

絕無筭籟動林皋但見城霞疊嶂高旱久三登爭盼雨病餘
七發要觀濤青連菽葉招鷗舫黃遍槐花送鵝袍鉄笛祇宜
吹月裂狂吟可有百篇豪

大有溟池未化鯤釣磯無恙水當門宦潮消長浮瓜蔓秋土
生涯託樹根醫俗難邀盧國扁談天儘愛滑稽髡等閒一芥
坳堂泛雲夢胸誰八九吞

師友銘心見面慳聽傳消息滿江關秋風玉爵重霑燕康合
河師

小重山房初稿

詩三

三

重赴鹿鳴 恩 賜環 劉金門師蒔戍黑龍江
加三品卿銜 恩 命賜環復以牽連
待勘得 肯 是處笛聲飛小海 趙笛樓師 幾年琴韻繞含山
仍合釋回 房考吳芝圃師任含山 監司粵東 幾年琴韻繞含山
令以道遠闕于修謁 何當避熱依通德手捧門前積雪還

家查山丈棧雲行脚圖

蜀棧試千盤劍門介成路峽中啼狖慘木杪行人度化工設
色奇無上畫禪悟祇供行脚健豈歎儒冠誤丈人今南能古
歡託縑素天成骨本仙世莫得其故瀑雷墨陣翻巖翠筆鋒
露種種現毫相往往入精驚泥經游汗漫遠離諸恐怖西川
聯舊雨姚一如 方伯卅載慰遲暮艱難贈策行性命打包付搔蓬
雪添髣捫葛雲阻步邇來愴朋交數僅晨星布落日猶夔城
秋癯繞芒屨蕭森不自寫乃倩虎頭顧崧南山 人作圖皴痕深淺問
鳥道辨煙樹悠悠負擔心艸艸懷人句永辭雙足繭快向九

華駐西風薦蓓盤冷官亦禪趣香火結深緣團蒲且小住時文

秦淮

秋夢關心六載前水雲握手野鷗邊別來柳色青如此重上秦淮四柱船

板橋西忝水娟娟桃葉隨波結淨緣我愛湖頭雙畫槳十分圈得浪渦圓

殘霞還憶隔亭紅幾陣蕭蕭送晚風攜却秋聲篷背聽是誰看雨起簾櫳

大長干接小長干人語呼舟出釣灘有約清涼山畔忝來朝佛會盛盃蘭

山描螺子端端好簾寫紅丁故故斜六院香塵吹不盡只今挂壁尚琵琶

小重山房初稿詩三

四

少婦新妝要及時家家團扇阮亭詩英靈那識中山句漢寢唐陵屬對奇

何處問唐陵漢寢此間有舜日堯天舊係中山王題瞻園句

蔣山

于野謀新獲非僧學退閒秋攜青箬笠曉入紫金山隱者修真去將軍討賊還相應薦葵蓼澗水自潺潺

靈谷寺

數里踏叢竹群峰拱碧槐騎隨山徑轉天向寺門開古翦不飛去清泉能自來蕭梁非舊址已見夕陽墮

飛來翦自來一泉寺中二勝一

謁姚姬傳先生鍾山書院

宋學千年淑清風一座春諸生推祭酒斯道繫儒臣氣詎如山重文章得派真早時棄軒冕豈爲自由身

不知年已耄白首愛臨池猶健千鈞筆常書七字詩凋零驚
老輩培養到新知我獨梁園媿彌珍享帚思求正初稟公寓
書春木尤稱余

隨園

好山猶美姝才子乃相偶隨園闕靈境幸而為公有樓臺起
飄忽中若神仙守四圍竹樹交嵐翠沐其首洗眼芟荷媚剝
腹澗泉受丹碧豔于火琉璃淨無垢惟公一代才僑寓卅年
久狂歌答長嘯時聽蒼龍吼人事貴如意逍遙得老壽卽今
幻烟雲名山業不朽茲來拜公烟
雲如意遺象結構窮匠心襟帶互岡阜
公文與公詩視此出一手

雨憩隱仙庵庵中梅桂傳為六朝物今桂獨盛而梅不
復花矣

小重山房初稿 詩三

五

雨勢不可止峯光相與青古梅六朝蹟叢桂一山馨樹感蘭
成賦茶評陸羽經道人長揖退攜鶴匄閒庭
別有無人徑苔荒綠自生廊翬扶竹過屐齒避花行大隱居
宜卜中仙學不成幽禽知我意飛去喚秋晴

泊燕子磯游十八洞

為有探奇約磯前且泊舟江聲清入夜山骨瘦于爍鑿險玲
瓏出分泉杳靄流豈宜辭爾足第一上台游
雨氣兼雲氣迴峰轉轉高井荒埋玉虎洞古守金鼇竹木交
加暗樓臺結構牢無禪叅默默題句笑吾曹乾隆間曾有各
默默者年至百

餘

京口別建木諸子暨弟丙章遂借錫山顧竹畦渡江至

揚州

江風吹客袂初摻來是同舟去各帆回望昭關秋樹色不知落日一梳銜

作畫能癡笑虎頭興酣潑墨大江流歸攜隋苑新題句與爾重登北顧樓

小秦淮

纔向秦淮寫別懷又招畫舫小秦淮釣絲風急夕陽裏菱角燕支紅上街

瓜蔓分流徹底清灣灣引權入新城十三樓畔秋如許廿四橋邊月自明

唱到竹枝我尚能笙歌何處醉曹騰不知九曲池中水早識人閒怨廣陵

摘星臺古有棲鴉獨向蕪城憶帝家鉛淚都將花葬盡年年

風雨玉鉤斜

小重山房初稿

詩二

六

幾見柴荆傍水開鄰娃呼鴨上灘來黃葵十丈花爭發高過門前兩道槐

湖上翩翩七寶鞍秋風添得袂衣寒過江縱有亭臺勝不借

青山與客看

天■寺

京華記省拜旛幢去夏訪彰儀門外天■寺精舍祇洹合有雙梵響城邊通曉角湖流門外繫輕艫問禪客衆爭叅佛投宿僧孤欲渡江一夕西風山果落秋聲都在寫經牘

西園訪吳山尊丈不值

射圃森森竹丁谿曲曲流週圍城似鶴小寄客如鷗詞賦留清望江關起暮愁此閒觴詠地空憶水明樓

秋雨庵

地是古蘭若人懷舊使君盧雅雨結茅宜聽雨種竹已捎雲
秋向荒村老僧從別院分鐘魚初定後山鳥有時聞

舟行小東門外

郭索艸間路沿溪船倒行闌迴雙字亞水蘸一花明姪女青
荷鏡詞家白玉笙晚風吹雨過蕭瑟遍蕪城

李冠山同年招同汪孝嬰學博大竹孟慈諸君飲洗桐

軒

李君真健者與我獨心親文望舉比擁知音雅樂陳江湖三
載別裙屐六朝人一聽孤桐撫先教感爨薪

孟慈同年招飲余在湖上未赴明日又偕小宛飯紅木

軒

小重山房初稿詩三

七

不道青山遮一角豈知錦纜夢三生重來恰就水邊飯拉去
便爲湖上行故人有酒約同醉今日無詩空復情食肉封侯

憑骨相商量舊學在書楹謂尊甫容甫年丈

孟慈示其四世祖西谷先生紅木軒印譜蓋紀生平游

歷各篆一印桐城家文端公會序刻之今以所藏本屬

題

螭匾誰傳鉄畫工茫茫小學賸雕蟲側身楚水吳山外刻意
秦章漢印中狂草頭銜司馬記懷素得軍司馬印每艸書用以自識端居鼻祖

鄴侯風鄴侯端居室印爲後來篆刻齋館所自始武都更著封泥法泥法已刻行

好秘裝池耀手紅

劉烈女

寶應湖水冽且清女死得所烈則名煌煌綽楔 朝廷旌劉

家女作應家婦女幼失母應養久入門拜姑嫜見婿不上堂
婿病一夕居膏盲女聞病亟憂怯惟憂全家出無計剖妾金
刀冀有濟臂血淋漓濺兩袂耶身病祟移妾身妾身許郎肝
膽陳遣婢裹肉紅羅巾投之鑪火藥不神吁嗟乎妾心雖長
郎命短三載終喪寸腸斷波瀾古井突驚起回首重泉月華
滿君不見縞衣衷服紉百鍼夜半出門湖水深貞魂毅魄自
千古野碓年年泣暮砧

江都信節婦瑾懷閭某女適信數月夫歿撫子娶婦子
尋歿族人構難不已毀其家晚年畫蛺蝶自給婦季亦
工繪事乾隆初人猶傳之既久遂無知其名者

芳名栩栩憑推謝小夢蘧蘧欲問莊濺淚枝頭鶻血盡驚心
幕上燕雛將一門謠詠堪多難兩世松筠得晚香老病何殊
爍蛻後可憐寫影入滕王

小重山房初稿

詩三

八

史閣部衣冠墓

裨將聞淒語衣冠此水涯孤魂歸信國萬淚葬梅花 天藻
褒忠切策祠落照斜行行遺墨在那計及身家

留別姑夫屠怡泉嵯尹暨從兄序東

機事何由息漢陰秋霜見說鬢毛侵讀書薄宦身同繫話別
親知夜獨深燕市三年多客况蠻天萬里亦鄉心兄已家他
于黔省
時我嗷揚州夢君向吳江憶舊吟

竹畦出畫扇志別卽寫紫金山靈谷寺諸勝以紀近游

賦謝

大有仁風在誰云扇易爍墨痕涼樹合人影夕陽留自喜游
蹤健能添筆力道紗籠蕭寺裏可記署銀鉤寺僧索書余與
君各以近詩應

之

奇嗜不成癖烟雲何處尋亂山呈畫本獨客抱秋心斷酒艱
同藥忘言趣在琴

君不善飲且寡言笑

因君思養靜歸聽芋城砧

同人送至湖上復與陳雲伯梧山兩孝廉登南樓梧山

偕余渡江

曲水橋頭路常停入市鞭南城樓上月又照過江船黃菊他
鄉晚金焦對局仙為君浮一白得句客星聯

約春木聽丁壬廟道士彈琴春木禱書舊詩關涉琴事

者繫以短句輒復答和

昨朝奉君書約聽道士琴道士來聞海云能捺土音句知峯
泖間僑居廟丁壬吾輩詩遺之賞爨中郎心君時手我書濁
酒方停斟狂醉大笑起行篋窮搜尋尋詩涉琴事八九多舊

小重山房初稿詩三

九

吟書成綴五言篇短思不禁旃檀鬱仙氣湖海清塵襟就中
李道士贈詩契獨深幽響發蜀山猿鶴招孤岑君詩與激昂
彈破秋蕭森天風返空碧萬籟中宵沉雅樂詎宜俗古歡安
望今不辭再三讀昭德何悁悁無絃會悠然籬菊舒黃金

春木示中炆前一夕聽姜生琵琶有懷澹淵及余之作

奉答二首

一瀉銀瓶水秋高鴈叫空風沙千里外甲騎四絃中渺渺懷
人獨茫茫寄慨同我歸莢菊晚還共話牆東

澹淵尚留宣城

絕調古誰續當時聽最先重來三疊罷君與一詩傳涼夜天
如水高吟骨自仙舉杯真不負月在故鄉圓

送胡茗原之官始興

客中頻送客兩載倦游情

客京師嘗送方鉄珊金舊穀諸君先後出宰

今者聯鄉

夢江干又送行一官之五嶺百里重專城此後封梅寄詩成
爾許清

却話趨庭日知君續舊游尊甫會後先循吏傳今古曲江流
東望兵初洗南來歲有妖欲將生聚意手版祝甌窶

木公侍者種菊于樗寮之後圃滋漑獨力晚登爲盛主
人將以詩獎其勞會朝來擔花過圃戲成一詩謝之卽
呈主人一笑

獠奴接竹能引泉杜老傳之詩千年木公侍者來西川蒔花
秋滿東籬邊曉寒霜重擔一肩爲我艸堂景物妍無以報爾
持短篇還乞主人將爾傳

集樗寮喜晤虞山李湘芷上舍卽事分韻二首

人間幾酒人良會古難得別君秣陵爍勞我虞山憶詩筆雜
小重山房初稿詩三

十

仙氣霜花弄春色淋漓復一醉江水落奇墨

不有東籬客誰結南山想不招麻姑仙誰解搔詩痒落葉吹
吟聲轉轉迴風上客舟不可留門外江潮長

洋菊

雲布星羅比例真朝天天子本麒麟帶圍是錦盤孟玉寫與
詩牌異樣春

紅燈徹夜照雲鬢青女天邊破笑顏我有疎籬黃一角獨留
真意向人間

澹淵自宣城以詩札見問答寄

風葉舞婆娑年華冉冉過問天奇句在求友古人多鸞鳳止
何處江湖秋始波淒涼燕市筑輸與此高歌

千里詩相見窮通勉舊盟青山懷古地壯歲著書情愛僻搜

狐穴衝愁出酒兵不應梅老逝宛水咽吟聲

聞道宣城郭攜箛暮復朝高樓乘月上畫舫隔江招瘦骨烟
雲裏仙心格律超攝生工體物何事賦鷓鴣君署所居
爲鷓鴣館

劍氣筆鋒橫誰爲出匣驚美人秋易感文士古相輕未覺揚
州夢先來建業城空教慚許武不使弟成名丙章弟秋
試報罷

追悼汪西村丈

脫畧冠襟自在身人知此老亦天真愛詩結習長婉飲賣字
生涯爲療貧一水鴛鴦空舊社十年松竹結芳隣凋殘容易
秋風後話到黃墟各愴神時與春木
述翁舊事

春木舊貯椰瓢爲李樵峯丈攜去李斷酒仍歸樗寮冬
夜出示席上讀其銘爲詩紀之

酒波鱗鱗挂秋冷照過千山萬山影老樗剖椰半作瓢穀皮

小重山房初稿詩三

七

書帙常插署一朝仙李忽攜去鐵脚行吟醉何處酒旗不明
頽玉山瓢乎有主仍珠還許由厭煩飲輒棄老樗銘辭得深
意身外之物此亦累

芝岑過園茶話漫示二首

十萬貔貅尙枕戈南來菱礎問防河但籌出處初心在賸有
文章夙契多良友裁詩新乞竹美人補屋待牽蘿與君同負
清門望漫任風前送玉珂

相識相逢草草杯近約同人
消寒小集休將詩債上謬臺十千好釀經
年麴三兩初花自種梅大海朱絃鷗夢醒君方理琴海鷗
忘機琴捺也吳

江落日鴈聲來祇憐歲晚蕭疎意分付春愁襍被催

吳江舟次

調律嚴冬氣轉溫冥濛霧夕失前村扁舟獨向吳江下鐙火

初從水驛昏百里潮聲隨夢到一年游跡有詩存何堪燒燭
逢窓底自檢征袍舊酒痕

丙章弟重葺小重山房更名竹所會余將北行乞詩三
首

湖上齋搖碧春來似水寒幾人題壁在已作十年看
種得千竿綠虛心卽是師梅花開勝雪正及早春時
最難燕市裏晤對此君求風雨龍吟夜詩成憶子由

謝春木走送河干兼別消寒會中諸子

夜潮剛送雨飛雪又迎寒津鼓催舟發湖波極望寬別情紆
蟬屐良會賸春盤著述山居好輸君託古歡

由丹徒聞渡江抵瓜州却寄怡泉姑夫

掩篷風雨客愁并乍喜開帆犯雪行萬頃江流分上下一時

小重山房初稿

詩三

三

山氣變陰晴坐來天上詩宜畫寒入春來酒亦兵舊約紅橋
知不遠定燒官燭話深更

題屠慧珠女史畫

紅橋十里盡蒸霞小怯春風到碧紗無數燕支濃抹處翠禽
飛上折枝花

發邗溝示同行潮陽黃吉山

莽莽河隄一道斜又將倦眼試風沙邗溝屈曲纔通水野菜
稀疎也作花璧月重輪春置閨瓊波萬里客思家高年猶耐

馳驅苦況駐初程計歲華

翁年七十余
正三十初度

嶧縣題壁

亂雲飛過連峯墨官樹栽齊夾道紅恰喜郵亭花信早吹來
著力是東風

穀城過項王墓下

東來早定入關盟虎帳風雲百戰輕霸上誰教莊起舞郴江
竟使漢成名感時騅騎消英氣彈淚歌場咽楚聲坏土千年
疑信在獨留殘碣傍山城

梁紹奉甄硯舊藏海昌馬寒中家竹垞爲之銘今歸其
鄉人陳君戴谿搨銘索詩

道古樓中紹泰甄竹垞翁與一銘傳殘璋斷壁能驚世鳳味
當時已百年

土花繡出墨痕香款識端宜琢手良却看十梅九蝙蝠不教
前製擅飛梁

碎瓦荆榛付雀臺茫茫塵壒語三災幸交鑄鐵書生手才與
陶泓結契來

小重山房初稿

詩三

三

檄臭蟲

蠹爾么麼蘊生蠶飽吸膏紅腹彭裂宵眠斗帳數起揭智捷
于人觸炎執昏衢舉烈燭幽澈百蟲將軍受我節不早爾匿
爾自絕明當聚戮克見血

